



"Jedne noći u ramazanu Poslanik, sallallahu alejhi ve sellem, klanjao nam je osam rekata i vitr-namaz. Sljedeće noći mi smo se okupili u džamiji, nadajući se da će Allahov Poslanik doći. Ostali smo u džamiji do sabaha. Nakon toga smo otišli kod Poslanika, sallallahu alejhi ve sellem, i rekli mu: 'O Allahov Poslaniče, nadali smo se da ćeš doći i predvoditi nam noćni namaz.' On reče: 'Nisam želio da vam vitr postane obavezni namaz.'"

Prenosi se da je Džabir b. Abdullah, radijallahu ahuma, rekao: "Jedne noći u ramazanu Poslanik, sallallahu alejhi ve sellem, klanjao nam je osam rekata i vitr-namaz. Sljedeće noći mi smo se okupili u džamiji, nadajući se da će Allahov Poslanik doći. Ostali smo u džamiji do sabaha. Nakon toga smo otišli kod Poslanika, sallallahu alejhi ve sellem, i rekli mu: 'O Allahov Poslaniče, nadali smo se da ćeš doći i predvoditi nam noćni namaz.' On reče: 'Nisam želio da vam vitr postane obavezni namaz.'"

[Hadis je hasen (dobar)] [Hadis bilježi Ibn Huzejme]

Jedne noći u ramazanu Poslanik, sallallahu alejhi ve sellem, klanjao je osam rekata i vitr-namaz kao imam, ali se sljedeće noći nije pojavio, iako su ga asbahi čekali do sabaha. Nakon što su zaključili da se neće pojavit, otišli su kod njega i upitali ga s tim u vezi. On im je rekao: "Nisam želio da vam se vitr učini obaveznim." U drugim predajama se prenosi ovako: "Bojao sam se da vam ne postane obavezan"; "Bojao sam se da vam noćni namaz ne postane obavezan." Ovo je razlog zbog kojeg Vjerovjesnik, sallallahu alejhi ve sellem, nije izašao da im predvodi noćni namaz, i to zbog samilosti i blagosti prema svome umetu. Uzvišeni Allah opisao je Poslanika riječima: "Došao vam je Poslanik, jedan od vas, teško mu je što ćete na muke udariti, jedva čeka da Pravim putem podlete, a prema vjernicima je blag i milostiv" (et-Tevba, 128). Osnova ovog hadisa se nalazi u dva "Sahiha" od Aiše, radijallahu anha, koja prenosi da je Allahov Poslanik, sallallahu alejhi ve sellem, jedne noći izašao i u mesdžidu klanjao noćni namaz, pa su ljudi zajedno sa njim klanjali. Kada su osvanuli, to su ispričali drugima, pa ih se sljedeće noći još više okupilo, te su i oni sa njim zajedno klanjali noćni namaz. Kada su osvanuli, ispričali su drugima, i treće se noći u mesdžidu okupilo dosta ljudi, pa je Vjerovjesnik, sallallahu alejhi ve sellem, ponovo izašao i predvodio ih u noćnom namazu. Četvrte noći mesdžid nije mogao prihvatići sve ljudi, a Poslanik, sallallahu alejhi ve

sellem, izašao je tek na sabah namaz. Kada je klanjao sabah, namaz okrenuo, napravio uvod u govor a zatim rekao: "Meni zaista nije bilo nepoznato vaše stanje, međutim, bojao sam se da vam ne postane obaveznim, pa da to ne budet u stanju ispuniti."

<https://sunnah.global/hadeeth/bs/show/11264>

النّجّات الخيريّة
ALNAJAT CHARITY

